

Sö tal ci s'erj na crusc

Al vën endô la doman da pié ia. Dlungia i prês tomperis, bagnês de freschëza por cösc pröm isté, pàssun, vare do vare, le cé co pica, can ia can ca, y spo cíara ennant, sora sîs fora, danter i frassi co peta fora na fëia grassina, con i recoré al'enfanzia, ai tomps passês, te familia coi fredesc y coles sorus, sot ai edli dal pere y tai brac dla oma.

Sön plaza de paisc s'encuntun endô 'n iade. I sun empò trec, gnüs da vigne vers.

La cíampana sona. I barbotëii en iolan por la fortuna che i à albü da ester gnü gran t'en picio paisc ladin de munt, dlungia a fredesc y sorus, con i geniturs co nes orea bun, y nes lasciâ crësce desche i garatân.

Y al è da pié ia, sot dlijia jö. Che Dio te dëidi sön to tru, por jì töes sëmenes dla vita, sön düc i côi de morvëia, y tai vals aposserì, olache les ombries dai pociôs po t'ascogne le jì ennant, y te tó aboc chë tan de sügherté co è ma frógheres.

Jì en Jënn è ponü ete enzai danter chël tomp che t'as podü vire te cöstes vals y chël dagnì che degügn ne sa cô che al gnarà. Jënn è enzai danter tomp passé y tomp co messass gnì - an rengrazia y prëia, y an variëia, éina sora i confins fora, tla tera todëscia al ur dal Isarch. An se stančia y an flada. Canche i ponsiers a to tomp y a to monn te fóra tan sot che te te perdes l'oraziun y la pronunziaziun, te scässeste desco fora dal bort d'en som... te tomes tla realté y te t'anadas che te n'es nia su, che en clap de cionc de jonc - desco tö, te condüj ennant desco te nainé y te porté. Spo prëieste endô, spo pönseste endô a cí che te panostrëies, y dan tü edli se daür önaendolàtra na morvëia nea dla natöra y dla jont, en pre, en crëp, en bosch y en paisc...

Jì en Jënn sta por la vita, co pëia ia da te a cíasa, va cuntra paisc desco en möt co va a scora, crësc sora le paisc fora por se sorandé al monn, a 'n laur y a na familia.

Na odlada sö a ci, por odëi tan gran che cösc tët è, cösc mantel de bröm y de nii, co dà sorëdl i plü bi dis dla vita y gota canche al è bort. Cuntra cösc ci s'alza le crist de nosc paisc, y sö cuntra le medemo ci s'erj i crisé de düc, por recordé l'alt y sacher. Che Dio se stravêrdi da maraties y meseries, massa jont d'amur pêrdun söle iade dai dis. Y canche an róa a Tluses vëgon chë munt santa, le crëp dal Crist Sant, dal Signur, söle tru co arjunj en travert y significat.

Finalmonter chisc gran mürs, danter antich y podor, se tol ete desco ghesé co se merita en confort. Tan de pôsc co dô, tan te ponsiers co stančia, po se lascé ia sot i pôsc de crusc tan santa. Che Dio te dëidi, compagn de mio iade, de mi dis da sorëdl y de chi momoné de crusc. Che Dio te dà la man por jì ennant töa vita, tal respet de töa ëra, de tü mituns y töa cíasa. Che Dio te renfôrzi, canche te pos dé aiüt, a töa jont y a töa val. Y che Dio ne te toli mai töa cíasa che te ames tan, tü familiars che te ôs tan y töa tera che te adores tan, por crësce, madorì y florì. Tla löm dai dis! (*iaco rigo, 14/02/2007*)